



Tilioq Innarluutillit Illersuisuat Christina Johnsen

Asasara Christina

04-10-2019
Suliaq nr.: 2019 - 21098
Id nr. 45259815

Naalakkersuisunut allakkannut ammasunut, 26. september 2019-imi tigusannut, "Mittarfinni attaveqaqatigiinnermilu atortuni tamanut tulluarsaalluni ilusilersuinerit tikikkuminassutsillu pilersissigit"-mik qulequtalimmut qujanaq.

Postboks 909
3900 Nuuk

Aallarniutigalugu erseqqissaatigissavara, innarluutilinnut iserfissat pitsaanerulersinneqarnissaat pillugu allakkami oqariartuutigineqartumut Naalakkersuisut isumaqataammata.

Tif.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Tamatumunnga atatillugu "Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq § 54, imm. 5, nunagisaminut tikeraarluni angalanerup ajornakusoornera, ikiortissanik periarfissaqannginnera imaluunniit nunagisami atortorissaaruteqannginnera pissutaallutik tikeraarnissaq ajornarpat, illoqarfimmut nunagisap qanitaaniittumut tunniussisoqarsinnaaneranut tunngasoq maluginiarpara.

Paragrafimi tassani sumiiffiit tamakkerlutik ajuusaarnaraluartumik pissutsinik innarluutilinnut naammaginartunik peqannginnerat erseqqissarneqarpoq. Tamanna aamma ajoraluartumik maanna Kalaallit Nunaanni angallassinermut atuuppoq.

Tikikkuminassusissamut piumasaqaatit Illuliornermut Malittarisassani 2006-imeersuni nassaarineqarsinnaapput. Attaveqaatigut aammalu sumiiffinni amerlasuuni pisortat illuutaanni amerlanerpaat tikikkuminassusiinut illut piffissami allami sananeqarsimanerat malugineqarsinnaavoq, qularinngilaralu illit kattuffippillu tamanna aamma ilisimasimassagissi. Taamaattumik pingaaruteqarpoq ingerlaavartumik tikikkuminassuseq pitsanngorsaavigineqarnissaa. Tamanna tunngavigalugu siunissami allannguiffiginnaasannik akisussaaffeqarlunga isumaqarlunnarpunga.

Ilisimatitsissutigisinnaavara, Naalakkersuisoqarfiga Illuliornermut Malittarisassanik, 1. januar 2020-i atuutilertussatut naatsorsuutigineqartunik nutarterilluni suliaqarmat. Tassani tikikkuminassusissamut piumasaqaatit erseqqissarneqassapput sukkannerulersinneqassallutillu. Aamma illunik pioreersunik allanngorterinermit tikikkuminassusissamut aalajangersakkat isiginiarneqarnissaannut piumasaqaat ilanngunneqassaaq.

Mittarfiliortiternernut atatillugu allaffeqarfiga qinnuigaara saaffiginnissutit pillugu Kalaallit Airports A/S-imut ilisimatitseqqullugu. Kiisalu Kalaallit Airports A/S kaammattussavara, sukkannerulersitsinerit piumasaqaatillu nutaat, Illuliornermut Malittarisassani allassimasussat isiginiaqqullugit.

Mittarfiiit nutaat neriunartumik 2023-mi naammassisimaleripata, nunap iluani katersuuffik Kangerlussuarmiit Ilulissanut, Nuummumut Qaqortumullu nuunneqartussaavoq. Atortut nutaat atorineqalerpata innarluutillit angalasut ullumikkornit pitsaanerusunik misigisaqartalernissaat naatsorsuutigineqarpoq.

Soorunami Kalaallit Nunaanni sumi tamaani sanaartukkat pioreersut kiserngorupput. Tassani aamma Mittarfeqarfinnut qullersaallunga akisussaasuuvunga. Mittarfeqarfiiit Kangerlussuup inersuanut atatillugu innarluutilinnut perusuersartarfimmik pilersitsisoqarsimasoq, kiisalu akunnittarfimmi inini allerni innarluutilinnut inissiamik pilersitsisoqarsimasoq ilisimatippaanga.

Aamma umiarsualiveqarnermi attaveqaatitsinni pissutsit oqaluttuarisaanermut tunngasut ersipput. Kalaallit Nunaata kujataani Qeqertarsuullu Tunuani angallaseriiaatsinik marluinnik atuilernermi angalasartorpassuarnut bilitsinik akikitsunik qulakkeerineq pissarsiassat annersaraat. Ajoraluartumik pissarsiat illuatungeqarput, tassalu umiarsualivinni amerlasuuni atortut ullutsinnut naleqqutinngimmata.

Angallassinermi pissutsini sumut aningaasat atorineqarpata naleqqunnerpaanersoq paasiniallugu Naalakkersuisut ingerlaavartumik sulipput.

Kingullermik minnerunngitsumillu sullissisut, angallassinermut akisussaasuusut oqaloqatigeqqullugit kaammattuutigissavara.

Innarluutilinnut atugassarititaasut ataatsimoortillugit pitsanngorsarneqarnissaat qulakkiissagutsigu, sullissisut tamarmik pissutsinut eqqumanissaat pisariaqarpoq. Tassungarpiaq innarluutillit oqaaseqartartuattut nukittuffeqartutit, aammalu aaqqissuussaanerit akimorlugit sullissisut oqaloqatiginissaannut periarfissaqartutit takusinnaavara.

Naggasiutigalugu allakkannut qujaqqippunga. Suliniutit akiuuffigisatit pitsaasut qamanna tamakkiisumik tapersorsorpakka.

Inussiarnersumik inuulluaqqusillunga


Karl Frederik Danielsen